

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KT 061299 24
Zenica, 06.03.2025. godine

OPĆINSKOM SUDU U ZENICI
- Sudiji za prethodno saslušanje -
Z E N I C A

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku F BiH, *p o d i ž e m*

O P T U Ź N I C U

Protiv,

D. A., , višestruko osuđivan za razna krivična djela, trenutno na izdržavanju kazne zatvora u KPZ ZT ██████████

što je,

dana 22.10.2024. godine, na području ██████████, ozbiljnom prijetnjom ugrozio sigurnost svoje bivše vanbračne supruge D. S., na način da je, iz KPZ ZT ██████████ u kojem se nalazi na izdržavanju kazne zatvora, nakon što mu je S. saopštila da je odlučila da se iseli iz njegove kuće počeo je uznemiravati svakodnevnim telefonskim pozivima iz zatvora na koje ona nije odgovarala, pa je navedenog dana istoj na kućnu adresu poslao jedno pismo u kojem je iznio niz prijetnji upućenih oštećenoj govoreći da neće biti dobro kada izađe, da će doći dan kada će svi odgovarati za sve a tome se bliži vrijeme, ističući prijetnju „Šta god da bude ti češ uvijek bit moja il ničija, ti si moj početak i kraj il moja il zemlja trećeg nema, a spreman sam i to uradit ako treba, ja ću opet izać, Kad tad a na kraju krajeva ne moram nikad al moja si to dobro zapamti“, iako je znao i bio svjestan da će na taj način kod iste izazvati strah i uznemirenje, što je i htio, koje prijetnje je S. shvatila ozbiljno i koje su kod nje izazvale osjećaj nesigurnosti i straha za vlastiti život,

dakle, uznemiravanjem i prijetnjama ugrozio sigurnost osobe s kojom je održavao bliske veze,

čime je počinio krivično djelo Ugrožavanje sigurnosti iz člana 183. stav 3. KZ F BiH.